



Yyloadig "zum letschte Ziischtig im Monät"

Ziischtig, 26. Juni 2018

Ziit: 1/4 ab sechsi En gfüerte Hofrundgang mit de Puure bi de verschidene Tier (freywillig)

Ziit: sibni Aatrinckete und aaschlüssend Tüüröffnig i de Beiz

D Aaleggi: schigg em Buurehof endsprechend

Adrässe: Hohrütistrasse 12, 8127 Forch
Telefon: 044 918 04 46 - lang la schäle...

Ab Parkplatz Forch Richtung Herrliberg isch es de 2 Hof rechts nach 2 Kilometer.
Blickfang: Holz vor de Hütte und Hose am Silo.
Achtung: Die neuen Navis finden es nicht!
www.zurchaltehose.ch

D Aatrinckete im Jäger Zelt oder im Garte

Degustation vo huus- und handgemachte Salumi und Alpchäs ab em Tanneholzbrett

De Znacht i de Beiz

D Vorspyys

E saisonali Suppe mit Bio Buurebrot us de Hofbäckerei

De Hauptgang (Bi öis essed au Vegetarier wieder Fleisch - wer das nöd chan, bitte melde)

Lauwarm's Roast-Beef vom Weideschlachtochs mit Händöpfel und Gmües us em heissä Ofe und husgemachte Tatarsauce

De Dessert

E Chuglä Glacée vo de Claudia

De Pryys betreit Franke 99.— nöd ganz hundert pro Person

De Pryys beinhaltet en freywillige Hofrundgang mit de Puure, d Aatrinckete im Jägerzelt, s Menü wie obe beschribbe, e guet's Glas biodynamische Huuswy zu jedem Gang- vo eusem Fründ Bruno Porro us em Piemont, s Wasser vo de Hofqwälle, s wyssä Gedeck, en nachhaltige Espresso gröstet uf de Forch und usegla us d „Faema 61 legend“, de Herr Möckli und en Parkplatz uf em Hof. Das alles wird vo de Wirtin nach em Ässe im Hoflade in **BAR** ikassiert. Zuesätzliche Konsumazione werded separaat iizoge. Däzue gits passendi Musigg, romantischs Oliveölliecht und e interessante Gsellschaft am lange Stubetisch. Alles Fleisch chunt vom Hof oder vo de eigene Jagd und alli andere Zuetate vom Ässe sind uus biologischem Aabau – Eusi Überzügig isch es, wenn Tier es artgmässes Läbä chönd führe und de Tod us "heiterem Himmel" chunt, liefereds em Mensch au es gsunds Lebes-Mittel – ebe meh als nur es Nahrigsmittel - e echti Delikatesse!

D Zaal vo de Stüel isch beschränkt und reserwiere chamer jewyls ab em **13. im Monät ab em Morgä am achi**. Entweder **Telefon 044 918 04 46** oder **mail@zurchaltehose.ch**. D Aamäldige werded strickt de Reie naa vom Ygang her berücksichtigt – mer händ nöd unbeschränkt Platz. Am lange Stubetisch düemer vo rechts afangä ufschlüssä, damit alli es Plätzli findet. Fründe vo de Chalte Hose dörfed au wieder ihri Fründe mitilade (Maximum 6 ufsmal). Wer agmeldet isch und nöd cha choo, meldet sich bitte en Tag im voruus ab, suscht muess er d Hüener go mischte!

Mer fröyed öis uf Öi und Diich !!

Claudia und de Nils